

Mashinaikan e uauitakan tan e ishi atusset Uinipek-kamakuniueshiutshuap ute Canada

Shiship-pishim(u) 2024

E tshitshipinanut.....	3
Uauitshiaushiun – Ishi pitshinimat atusseun ute Canada.....	4
Kupaniesh aukuan-tshe pitshitinitau atusseunu- auen e pitshitinak atusseunu.....	9
Kunenitashun- Tshekuan ua apishteit tshetshi uauitshiushiat.....	13
Takuaitsheun aukuan- Tan tshe ishi pitshinimat atusseun.....	17
Kutak kukuetshitshemuna.....	20

Canadian Coast Guard Long-Term Strategy Discussion Paper

Aussi disponible en français :

Document de discussion sur la Stratégie à long terme de la Garde côtière canadienne

Published under the Authority of

Planning, Engagement and Priorities

Fisheries and Oceans Canada

Canadian Coast Guard

Ottawa, ON K1A 0E6

For more information, contact dfo.ccglongtermstrategy-strategiealongtermeGCC.mpo@dfo-mpo.gc.ca

Annual Edition 2024

© His Majesty the King in Right of Canada, as represented by the Minister of Fisheries, Oceans and the Canadian Coast Guard, 2024.

Issue no. 23-2351

Cat. No. Fs154-56/2024Moe-PDF (Electronic PDF, Innu-Aimun)

ISBN 978-0-660-71899-6

A web version is available here:

<https://www.ccg-gcc.gc.ca/engagement/lts-slt/index-eng.html> (English)

<https://www.ccg-gcc.gc.ca/engagement/lts-slt/index-fra.html> (Français)

E tshitshipinanut

Ua ishi tshitutakan Uinipek-kamakuneshiu-atusseun nuash neme 2050 mishta-tshitashun. Neuit tshika ishi atussanun e minu-uitakanikau ne ua utitaikanikau neme aishkat kie katak e uapatakan. Ne ua utitaikan kie tshe ishi-atussanut nika uitshikunan tshetshi shaputue atusseshtutshit innuat ute Canada, nete akua tshi tutakan taukam^u, tipetnitamun, ka nanatuapitshanut, akau e tutakan assi, ute Canada mak nete aishkat. Tipan e ishi atusseshtakan

Uauitshiaushiun – *E ishi uauitshiuashiat* ute Canada

Kupanishit – *auen*-e uauitshiaushit

E ishi kunenitashuiat – *Ne takut* tshetshi ishi uauitshiuashiat

Takuaitsheun - *Tan tshe* ishi pitshitinimat atusseun

Ua uititaik ume mashinaikan

- Tshetshi tipatakan uinipek^u-kamakuneshiu-atusseun.
- Tshi uitakan tshekuan ne tshe tshipishkatshet kie tshe kaniupanikau
- Tshetshi mamaushakanikau kie mamushtanikau aimuna ne tshe ui utitaikanikau kie tan tshet ishi atussanut neme kutunnue-pupunna nikan.

Neme tshe mamaushakanikau kie mamushtanikau aimuna neme tshe ishpish tutakan atusseun e takuapekushit tshika uauitanu, e tshikanaku^{et} ne ua ishi tshitutan unipek^u -kamakuniueshiutshuap ute Canada.

Uauitshiaushiun – Ishi pitshinimat atusseun ute Canada

Uinipek^u-kamakunueshiu-atusseun mitshet pitshinimat. Ume passe uauitshiaushiunna:

- E uauitshikanitau
- E nikanikau nete ut pimikut nipi
- Ka nanatuapatshanut kie mak e ushumiakan auen
- Kushapeu-uta kie ka kushtukunit uta
- E ishkuatet kie e uinakamit nipi apimi ut
- Apashuanu mishkimi nete taukam^u
- E aimitunut
- E uauitshiushinanut ishkuatet-utata mak sheuekitsheu nete utaua-pitu tshishe-utshimat

Ne ka papimashkanut, pakassiatshanut, kie mak e metaunu kie mak tashkumutau uta, kie mak nete innu-assit ua itutanut, kie mak tshetshi aimitunanut, nete u kalut ishpitehimut mak nete tshakaputakan. Nete tamipekuat mak ne e nikakan nete nipi e pimitshut ekuat nete tshi ut pimipanikau uta. E apashuakan mushkimi tshetshi minu-pimipanikau uta kie tne pukupeutshikan tshetshi ishpanikau uta. Mima ishkuatet uta ne Uinipek^u-kamakunueshiu-atusseun tshetshi ituteu. Ni aiatinenan kie tutenan e nanatuapatshanun mak ushimianut auenitshenat. Ni maushukunenan pimi ka pupan nete nipitat kie ninikenan nipi. Nutinenan kushapeu-uta kie ka kushtikut uta.

Uinipek^u-kamakunueshiu-atusseun apitsheut upashtamakan ka ashtueitshenit tshetshi shakassanitat utatusseun. Nete kusseu mak ka nakutenitak nipi, ne utat itapatin tshetshi uauitshinikau ka nanatuapatshet tshetshi minu-nishtutakan kie nishtuapatan uinipek^u kie tshetshi minu-tshitapatakan uinipek^u. Ekuat nete tshi ashpitishimuatshetau anitshenat ka tutuat nipi-kanu tshetshi nishtuapatan tamipekuat, uemuet e takut tshi nishtuapatan tshetshi akua tutakan nipi kie nete nipit ka ut aitunanut. Kie uauitshieuat nenu ka nakutuenitaminut assinu kie nenu ka ueueshtanin kumunan kie tan e itesht namesh.

Nuitshianan ne iat tshishe-utshimassit e tutakau utatusseunau e apititinit. Ne Uinipek^u-kamakunueshiu-atusseun, uitshiku tshetshi nashakaninit takuaitshen nete canada takuaitshen, tshetshi minu-uaitakanit. Nete e eshpitishkamikat, ne Uinipek^u-kamakunueshiu-atusseun uitshi atusseumeu nete natakam assit ka takut utenanu tshetshi utetaik nenu e nakutunitakan.

Ne Uinipek^u-kamakunueshiu-atusseun neuit nete ut shakassinikau utatusseun: Nitamit, tetau-takam^u, nete tshishe-tshituutin kie nete nitamit. Uinipek^u-kamakunueshiu-atusseun uitshi-atussemitiku nenu Uinipek^u-kupaniesh-kauaitshishinit, anu neu tshishe-mitashimitinnu itashut kupaniesh shetshen e atussetau ute eshpitishkamikat assit, kie ne iat innuat ka uauitshiaushitau kie etatau mitshetut e uauitshiushit e nanitauapamat kie e ushimiat auenu nete taukam^u. Kie tshetshu nushkuishtenan tshetshi uitshi-atussemitshit innuat ute Canada kie tshetshi shutshiteishkamikat ne ua nikanishtat minu-uitsheutinu Canana ashit innuat. Innuat uitshi-atussemitun tshika mitshiminikanu kie tshika mamuitunnanun e uauitshiaushinanut. Ne ua tutakan atusseuna tshetshi uitshi-atussemanit nete ut mamit nuash nitamit auenitshen tshika-uitshikut nenu innu-assia tshetshi kie uiniuu akua iatutau nete nipitat kie uinipekuat.

Ne ua utataimat minekash

Kassinu mishkutshipanu nete nipitat, ute Canada kie nutim eshpitishkamikat assit, ne usham^u katusseutshitapatakan e atusseuatshanut, e mishkutshipan tshishik^u, mak ne e animiunanut e pushtashinanut mak nete e imitunanut. Uinipek^u-kamakunueshiu-atusseun tshika ui mishkutunam e ishi atusset. Ekuet nete ut tshetshi shaputuepaniat nitatusseunan

- Tshi shaputue uauitshiaushinanut kie tutan atusseun
- Tshetshi shutshiteishkuan ne akua ua tutakan kie ua minashtakan nipi, kie nie iat uinipek^u - pakassun ute canada
- Tshetshi minu-tshitapatakan e iaitnikan uinipek^u

Uinipek^u-kamakunueshiu-atusseun tshika minutau tan tshe ishi pitshitinak uaitshiaushiun e shukashinakutat uitshi-atussemitun aven pitu-tshish-utshimasse, kie nete uinipekunnu ka atusseshtakau, ashit innu e uitshi-atussemat kie nete eshpitishkamikat assit. Ne e uitshi-atusseman ekuet net ut, tshetshi utiniman kie tutamat nitatusseunan tshetshi utitaik ne utaut tshishe-utshimau ua utitaik. Peikuen, ne Uinipek^u-kamakunueshiu-atusseun tshika mishituepanitau uitshi-atussemun e ashit Innu tshetshi utinimuat unishtuapatamunnu kie nemun takunit tshi utinikan aimun.

Tshetshi minu-nashakan ne e ishi mishkutshinipin uinipek^u mak nipi peikuit e tshitapatakan atusseun, ne Uinipek^u-kamakunueshiu-atusseun tshitapatam^u nete katak:

- Tshetshi aku tutakan atusseun aianishkat e tshitapatan.
- Tshetshi etatu minutakan atusseun kie matinimatshishinanut aimun ashit uitshi-atusseman tshetshi minakan aimunnu anitshenat auenitshen ute Canada, ishkuet kie napeuat
- Tshetshi uitshi-atussemitun kie tshetshi shukashinakutakan ashit innuat ute Canada
- Tshetshi mishkutukanikau atusseuakan nete tshetshit ishpanunanut katusseutshitapatakan-atusseun tshetshi uauitshiaushinanut tshi minupanitan
- Tutakan atusseun kie pitshitinikan uitshiuashiuna neme tshetshi shutshishitau anitshenat pukupeutshikan
- Tshetshi shaputuepananut e mishituepanitan ne tshishe-tshiuetin tetshe, miam mate tshi tutakan atusseun tan tshe ishi-uauitshiuushinanut ashit Essimeuat, Innuat, Mashinuat kie nete uitshi-atusseman tshiuetin ka tatau.
- Tshetshi etatu mashat kie mak mitsheitinikau nete tshe apashuan mishkumi, nete tshe papamishkanut et tshe aiatshishtakan tshetshi tshishpeuatakan uinipek^u kie nete kapushtashinanut tshetshi shukashinakuet.
- Tshetshi nashakuiaik kie tshitapamakuiak neme e ishi takuaitshanut nete uinipekuat ashit uitshi-atusseman kie uinuau a atatuau nete nitu e ishpan.
- Tshi uitakan kie utinikanikau kie atusseuatshanut ussi-atusseuakan kie ait tshi minutakan atusseun tshetshi utinikanikan neme ua ashtakan ne pipiteu iat nete ka pushtashinanut.
- Tshi shaputuepananut tshetshi shutshiteishkuanitau ka uitshi-atussemanitau nete tshishe-utshimat miam ne uinipeku-atusseun, uinipek^u-kanut e tutuanit, nete tshetshi nashakanikau uinipek^u-takuaitsheun

Meshkanu tshetshi utataikan

Uinipek^u-kamakunueshiu-atusseun mishkutunam^u e ishi-atusset. Ne ka papamishkanut kie uin katshitauku nenu uinipek^u-pikassunnu e mishkutshipan kie ne e ishi papamishkanut kie ka papamishkat. Ne e ishi tshishikat kie ne e ishi-mishkutshipan tshishik^u mishta-katshiteitshemikuen nete tamipekuat, kie nete nimeshat kie uinipeku-aueshishat, kie ne ishpishtat mishkumi nete nipit.

E ishi uauitshiaushinanut anutshish

Ne katusseutshitapatakan, kie ne ka tshitshissipitan kie katusseutshitapakan-inniushiun mishkutunimuat nenu e ishi papamishkanut. Ne katusseutshitapatakan uinipek^u atusseun, ne uta tshitapamatshishut. Neme kau e tshitapatakanikan e ishi papamishkat pitshitinam^u tshitashun neme miam tatupeikan ka ishi papaminikau ne Uinipek^u-kamakunueshiu-atusseun kie nete uinipek^u-pikassun ka mamishishtit kie tshe ishi takuaitshanut. Ka nanatuapatshanut kie ka ushemiaushinanut kie tan tshe ishi atussanut tshek kuetepenikau apimi tshi minutanu atusseun nete ut ka papamitukunikau-kaimitunanut kie tshakapeutakan. Kie, kie ne ishkuteu-uta ka putatshepinikau tshika mishkutunimuat nenu e ishi kushtukunit tshetshi ashtanit kushtukunit.

Ne unakan, sheuekitsheushisset ka kunitshet, ka kutshiu-ush, uinipek-tipainutinan kie uinau etatu pitshitinimut pikess tshitashuna nete Uinipek^u-kamakunueshiu-atusseun. Ne tshitashuna mak tipaikanna ekuat ne e ashpishtishimuatsheiat. Miam mate, ne sheuekitsheushisset ka kunitshet tshi kuneut nete e tanit mishkumi, ekuat nete tshi tshissenitan tanite tshe apashuan mishkumi Muk^u tshika ui etaku-minutakanu atusseun tshetshi apitshitakan tipaikan kie tshitashuna neme atusseun tutakan kie tan miam tshe ishi uauitshiushinanut neme nipi kie uinipek^u natim e mishkutshipan.

Shukashinakutau ka pushtashinanut.

Uinipek^u-kamakunueshiu-atusseun utatusseun nenu ka pushtashinanut ute eshpitashkamikat ute assit kie etatu tshika ui nussitau kie tshika ui mishkutunam^u utatusseun, u uauitshiaushiun. E amitshuepinikau ne ishkuteu-uta kie e ishpan, miam mate ne manitushiss kie na akushun COVID-19, utatshipinipan atusseun kie e pushtashinanut kie e ishi petutanikau tshekuan. E tapitakan ashit e ishi –mishkutshipan assi kie tshishik^u, e ishi mishkutshipan ute eshpitishkamikat assit, nu aiat mishau kie natim mishkutshipinu. Nete Coree assit, Singapour Assit, Japon assit, Pays-bas assit kie nete Norvege assit shash nete katusseutshitapatakan ut atusseut kie papamishkauat. Tshetshi nashutshit nuitshi-atussemanan, ne Canada tshika ui ait ishinakutau ukatusseutshitapatan atusseun.

Minupanu tshishe-tshiuetin.

Apu takut nete kutak ait uiesh tshetshi uapatakan e mishkutshipan tshishik^u mak a nete tshishe-tshiuetin. Neme a amitshuepan tshishin-tipaikan, nete tshiuetin tshika shepanu tshishtukan tshetshi uta ishpanikau. Uinipek^u-kamakunueshiu-atusseun etatu tshika mishanu utatusseun nete tshishe-tshiuetin, miam mate:

- Tshetshi uauitshiatau ka pushtaushu-uta nemenu e nipinit nete tshiuetin.
- Tshetshi akua tutakan kie minuut mitshim^u kie akua tutuanit innuat.
- Tshetshi ashtueitshetau nete taukam, kie ne e uishmiaushinanut, e nanatuapatshanut, kie ne e ishi kushtikuat nete taukam.
- Etatu tshetshit taiat kie nanukushiat, nete a nakutuenitshanut ne Canada ua nukutat utipenitamun

Ne atusseun tshika ui tutanun, kie tshika tutanun, ashit Essimeuat, Innuat, Mashinuat kie nete tshiuetin uitshi-atussemakan. Kie tshika ishi atusseshtanu e nashakanikau Inuit Nunangat takuaitshen, net ua ishi tshitutakan Essimeu-atusseun kie ka uitshi-atussemishshut Essimeuat mak tshishe-utshimashkuess.

Aieshkupu tshetshi aiatsishtak ne ka mishkutshipan

Uinipek^u-kamakunueshiu-atusseun shaputeupinu e pitshitinak uauitshiushiun nete tshiuetin tshe ietunanut miam mate e kashtunipin kie e nissipet. Neme e mitshipan tshishik^u ut kie mitshetau ishinakuen, tshika ui aieshkunitshishunanun tshetshi uauitshiushinanut. Kie, ne Tshishe-utshimau u utitaik 30 % tshetshi tshishpeuatak nipinu, tshika ui minu-uitananu tshe ishi nakutuenitanikau nipi kie nete tamipekuat inniun. Ne Uinipek^u-kamakunueshiu-atusseun tshika shaputeupanu e iuiashit ishkuteu-uta tshetshi minu-nanitussinitakan e ishpen nete tamipekuet, tan tshe ishi takuaikan uinipek^u-miam mate kie ne tshimut ka kussanut, eka ka uitakan-kie tshetshi ishpitenitan.

Ek^u uin ne Uinipek^u-kamakunueshiu-atusseun nete itashemu tetshe katusseuntshitapatakan, miam e tshitashunishtakan, e tipapeiketshanut, nemenu nikan tshe apashtat, ui tshishkutamatshishu. Tshika etatu ui tshissenitam^u, shenam umitinenitshikan tshi mishkutunak utatusseun kie tshetshi tatishkuat auenu.

Ka mamishishtat kie ka mishta nishtuapamanat e uitshi-atussemanit

Uinipek^u-kamakunueshiu-atusseun mitshen auenu uitshi-atussemeu tshetshi minutat utatusseun miam nete ka nanitussenitanit, nete akua tshi ietunanut kie tshetshi minupan pikassun. Upashtoneu Uinipek^u-kamakunueshiu-katusset ni uitshi atussemanan tshetshi nakutuenitamat nete ut Shtua-laurent shipekuat mak nete mishta-shakaikan, ne 3700 e ishkuatipeiat ne uinipek^u-meshkanu. Kie nete nitanan mamuitun ute eshpetishkamikat assit miam nete tshiuetin mamuitun. Nishutshiteishkuanan ne uinipekuat ka apit kie ka atussetau ute Canada, ute eshpititshkamikat e nashauan, kie ka nanataupatshetau ishkueat kie napeuat. Kie nitutenan nete e mishta-utshimau aiminanut uinipek^u mak nipi e uauitakan. Uinipek^u-kamakunueshiu-atusseun tshika shaputeupanu e pitshitinak unishtuapatamun kie tshishkutamatshishu ashit uitshi-atusseman.

Aiatshiun

Mitshetuit tshika tshi utitaikaninu ne Uinipek^u-kamakunueshiu-atusseun mashinaishetshuap e ishi *uauitshiaushit*. Ne e tutakan miam mate

- Tshetshi tutakan kie mishituepanitakan, shukashinakutan katusseu-tshitapatan tshitashun ashit ni uitshi-atussemanan
- Tshi shaputeupinanut e pitukutakanikau tshitashun nete katusseutshitapatakan, kie ne e pimishkanut, tshetshi minuut atusseun nete e pimishkanut kie tshetshi akua tutakan uinipek^u
- Tshetshi shutshiteishkuanit nete tshishe-tshiuetin e nakutuenimanit mishkumit, e matinimatunanut aimun kie nipi-tshissenitamun kie uinipek tshissenitamun e tutanit kanuat tshe ishi apamipanikau uta nete tshiuetin
- Tshetshi uitshi-atussemanit kupanieshat kie tshetshi matinimatshishunanut aimun, tshissenitamun ashit nete ka atussetau pikassun, ka papamunaushit iat ka metueiuet, iat nete mamuitun, kie tshetshi mitenimitau e ishi kukuetshimishunanut nipi e uauitakan.

- Tshetshi tutakan atusseun kie ussi-atusseun e nashakanit ne Uinipek^u-kamakunueshiu-atusseun ua ishi tshitutet nete tshiuetin kie ne ua minutakan uinipek^u, «nete tshiuetin, nete ut tshiuetin kie tshiuetin ut»
- Tshetshi tatau neme e tipapaikan ua tutakan ka mishtat atusseun net uinipekuat kie tshi pitshitinikan tshissenitamun kie nishtuapatamun, akua e tutakan kie tshe ishi takuaitshanut e mitshipan uinipekuat.
- Tshetshi nikanishtakan ussi-atusseun nete Uinipek^u-kamakunueshiu-atusseun kie tshetshi kukuetshimanit katusseshit tan tshipa tshi ishi minutanu atusseun.
- Tshi mishkuanitau tshe uitshi-atussemanit miam mate ne Uinipek^u-kauaitshiaushit kie kupanieshit, tshetshi mishituepanitakan uauitshiaushiun
- Tshetshi ui ne Uinipek^u-kamakunueshiu-atusseun nikan ata nitu ishpan uinipekuat
- Tshetshi uitshi-atussemanit ashit ne Uinipek^u-kamakunueshiu-atusseun kie shimakanishiu-uinipekuat, kie ka kutshishet tshetshi uauitamatananut tan tshe ish atussanut.
- Tshetshi tutakan atusseun e tshitapatakan tshishik^u tshetshi shutshenimikuiat nete nitatusseunat ne e mishkutshipan tshishik^u
- Tshetshi shutshiteieshkutshit ne tshishe-utshimau nenu ua tshunak pipiteu tshishikuat ka papamipanit kie tshi uauitamaunit uitshi-atussemanit
- Tshi uitakan tshekuan tshe ishi shutshiteieshkatunaut nete akua e tutakan uinipek^u
- Tshetshi uitshi-atussemanit, tshishe-utshimauat, mashinaitsheutshuapa kie ne innu-assi kie ka uitshi-atussemanit tshetshi nikanipinitakan minu-uitsheutun
- Etatu tshetshi minu-mamitunenimak tshe ishi nishtutatshishunanut ashit innuat
- Tshi uitshi atussemanitau Upashtuneu-uinipek^u-kamakunueshiu-atusseun kie ute eshpitishkamikat assit tshetshi shakassinitat Canada ka ishi utinak aimunu.
- Tshtshi uitshi atussemanitau ute utaua-tshishe utshimat ka ut tapishinit ka uitshi-atussemanitau miam mate Transports Canada, la Gendarmerie royale du Canada, le ministère de la Défense nationale, les Forces armées canadiennes, l'Agence des services frontaliers du Canada tshi shutshiteishkuan ne Canada ua nikanishtat

Kukuetshitshemuna

- Ne atusseuna kie uauitshiashuna ne uinipek^u-kamakunueshiu-atusseun ua pitshitinak tshishikashunanun. Teuat a nete kutukat uinipek^u-kamakunueshiu-atusseun ka atusseshtakau ait e utshipanit-miam mate shimakanishiu-uinipeku-katusseshit, ataunuat kie mak kassinu ka papamipanit ishkuteu-uta – ne Canada takut tshi tshimat?
- Teuat a kutukat ne uinipek^u-kamakunueshiu-atusseun takut tshetshi uinat e ka ut uinanit ute mashinaikana?
- Ne atusseun uitam^u ne uinipek^u-kamakunueshiu-atusseun tshekuanu tshipatshi tutam^u tshetshi utateik? Takun a kutak tshekuan tshipatshi tutanu?

Kupaniesh aukuan-tshe pitshitinitau atusseunu- auen e pitshitinak atusseunu

Katussesht apitishu kie ishpenitakushu. Eka tat, apu tshikut tshi ietutanut, tshetshi shakassinitakan atusseun kie tshi uauitshiushinanut. Uinipek^u-kamakunueshiu-atusseun utineu kupaniesh kie kassinu tatipan ishi pukutaut.

- Kapiten
- Ka nitau-atusset
- Matenu
- Kapiminesht
- Tshetshi pimutat aimunnu kie e ishi pimipinat uta
- Ka ushimiashitau
- Ka nanakutenitakau assinu
- Tatipan ka pukutat (kamanitshetshit, ka peshitsheshit, kassikimanitshetshit)
- Katshishkutamatsheshit
- Ka tutakau atusseunu
- Ka mashinaitssheshisht kie ka tshitashit

Uinipek^u-kamakunueshiu-atusseun ishi pitshitinam atusseun e shapenitakunit:

- Nete ishkteutit
- Nete e takunikau pukupeutshikan, kie nete nishtuit nashipetimit, mishta-shakaikanna mak uinipekuat.
- Nete tshishe-utshimau mashinaikanitshuapa
- Uinipek^u-kamakunueshiu-atusseun katshishkutamatsheshitshuap, nete takun, Sydney, nete Nouvelle-Ecosse
- E ne mashinaitsheutshuap nete Uepishtikiuat

Ne ua utataimat minekash

Eshakamitshishikua, nipitat teuat kupanieshit, tshishikuat tshetshi atusseshtuatau innu. Tshi ushimietu auenu. Uinipek^u-kamakunueshiu-atusseun tshituneu ukatiseshim. Issishuemikuan tshika ui nussishu nete atusseun kie tshika ui tshishkutamatsheshit kie tshetshi etatu nitau atussenit ukupaniem. Tshetshi minu-atussenit kie nitau atussenin ukatisseshim, Uinipek^u-kamakunueshiu-atusseun tshika ui tshishkutamueu, tshetshi nitau tshitapimitshishinit kie takueaitshenit, natuatim^u tan tshe tutak:

- Tshetshi minu-tshitapamat ukatisseshim tshetshi minutanin atusseunu
- Tshetshi tutak tshishkutamatun nete tshi iteshauat ukupanim ne Uinipek^u-kamakunueshiu-atusseun katshishkutamatsheshitshuapit
- Tshetshi minat atusseunu tshetshi mininiutau katusseshit
- Tshetshi ishi utinikan ne Uinipek^u-kamakunueshiu-atusseun miam nikan atat nete uinipek^u-katshishkutamuakanit e minu tshishkutamuaniit
- Tshetshi pitshitinak tshekuanu e nakashkakuat tshetshi utinakan tshi atusset ne Innu-Essimeu kie mashinu
- Shutshiteishkakan ussi-atusseun, ne mitshiminikan kie tshishkutamatunanut
- Tsheshi nikanishtakan pushipinun, peikuit e tutakan kupaniesh

Meshkanu tshetshi utataikan

Uinipek^u-kamakunueshiu-atusseun tshika ui utineu kutak kupaniesh. Uinipek^u-kamakunueshiu-atusseun mitshet nanan punun e tshishe-inniutau. Apu shuk mishat atusseun Etatu tshipa ashineuatshanu anitshenat kakusseshit kie akanishaut e tshishestuakuat, kie tshika ui etatu minu-tanu tshinashtuapatamunu neme ka nikanitetau ua tutuakue.

E ishi takauet eka etat kupanieshi

Eka etat katusseshit tshika kashtauau nete atusseun kie ne tshe aieshkushtakanitaku ute kie tshe pitshitikanikau atusseun. Ne Uinipek^u-kamakunueshiu-atusseun atatu mitshetua uinipekuat auen teu kie meshkua ne atusseun. Mishta anem tshekuanu nitshishkam nete katussesht, tshe ui mamushtat nenu utatusseun, tshishkutamatun, utishkuem ashit utuassim. Kie, nikapinu e nanatuapamanit kupanieshit kie tshetshi kunenimakanitau. Shash tshekat, ne Uinipek^u-kamakunueshiu-atusseun tshika nutepanu katusseshin.

Kie ne ishinakuen, ne e nutepanitau kupanieshit shukushuk tshika ui ueeshitshitapatanu tan tshe ishi nituapamanit kie etatu tshetshi nussishisanan ne ua shakassinan atusseun. Kie tshika ui minutshishikuanut kie minu-minanut tshetshi kunenimakanitau kupanieshit tshe atusset taukan, nete ishkodeu-utit, nete pukupeutshikan mak mashinaikanitshuap.

Ume mashinaikanitshuap nete ut mamit, nitamit, tshishe-tshiuetin ka ut takut kie ishish uitakan tshishe-utshimau atusseun, nika pitshitenan atusseun tshetshi takuaimutshit katusseshit. Ishi natshishtanu, takuaitshuun, e ishi ueeshitshikan kie ne katusseu-mashinaikan tshe uitshi-atusseitshit.

Tshetshi tshishkutamanit e minishit kupanieshit

Ne katusseuntshitapakan mishkututnam e ishi atussamut, e tshitapatan uinipek^u-tshitashun, kunenitashun, ne ishi itashinaitshanut kie e ishi uauitshiushinanut. Uinipek^u-kamakunueshiu-atusseun tshika ui tshishkutimueu ukatisseshim, kie tshetshi kunenimat:

- Ussi-ishkodeu-uta e katusseutshitapitapanikau
- Ussi- assik^u mak ka putatshipinikau
- Tshe ishi atussanut kuetipitit apimi
- Tshi uauitshiushinanut e papamishkanut

Aianishkat, nem ussi atusseuakan shaputue tshik pimipanu nete ussi kie tshiash ishkodeuta. Muk^u, nika uitshikunan e utinimat aimun, tshetshi minu-utinimat tan tshe ishi atussanut kie tshika ishi tshitutanun tshetshi akua tutakan assi kie uinipek^u.

Tan ua ishi-inniut auen tshetshi mamu atussanut

Kie tshika mishta apititn ne katusseshit nete Uinipek^u-kamakunueshiu-atusseun tshetshi ishi tshishkutamanitau, kie tshika ui pukutautat mamu e atussetau, kie tshetshi uitshi-atussematu auen kie tshetshi mitshiminikan atusseun ashit innut ka uitshi-atussemanit. Uinipek^u-kamakunueshiu-atusseun utinam aimunnu tshetshi uitshi atussemat innu kie tshetshi ueeshitshitapatak tan tshe ishi uitshi atussemat.

Ka nitanitetau

E ishi pukutaiat tshetshi utinimat e minuat aimun e tshitapamakanitau anitshetant kanikanitetau. Tshika ui shakassnitananut atusseun kie tshetshi minueniminanut. Kie tshika tshi tshitapatanu tshetshi auen kassinu kuisk kie tapishkut tutuakan e tshitapatan kassinu tatipan e ishi-inniunanut. Tshika ui kie kunenitenanu mashinaikan tan tshe ishi tshitapatakan tshitimauenimitun kie e itenitakuesht aeuen tshetshi shutshenitakau kakusseshit kie akanishaut. Ne mishta ashtanan net shuniaue kie tapaikan tshetshi tshishkutamuanit auenitshe nete nimashinaitsheutshuapinat, kie shash takun Uinipek^u-kamakunueshiu-atusseun katshishkutamatshuap.

Aiatshiun

Ka ishipish pimipan ne akushunm COVID-19 mitshetuit matshipinipan atusseun nete Uinipek^u-kamakunueshiu-atusseun. Muk tshi tshiuekaputan kie kau tshi tshitapatenan tshe ishi atusseiant main nete katusseutshitapatakan. Eka e tat katusseshishtshi naushunetan tanite e apitishit kupanieshit kie tshek katusseshit ua apitshinitua neme aishkat.

Nika uitshi-atussemanan nikupanieminan tshetshi ueueshitshitapatamat atusseuakan kie e ishi tshitapimitshit kupanieshit. Kie nukutshiemanan anite tshishe-utshimat. Nishaputuepinan e utninimat aimunkie nanatuapatshenans tan nipa tutenan tshetshi kunenimitshit katusseshit.

Mitshetuit tshi ishi atussanun ua utitaikan nete katak e tshe e tshitapaminit kupanieshat. Takuan a kutak^u miam mate:

- Tshetshi tutakan atusseun tshetshi utinakanitau kupanieshit kie tshetshi tshishkutamuanitau, ki tshethi pushipiniatau
- Tshetshi uitshi-atussemitunanut ashit anitshenat uinipek^u-atusseunu ka atusseshtakau etatu tshitshi nitau atussetau nematenuat.
- Tshetshi uitshi atussemanan ne ka nakutenimat katusseshit nete mashinaitsheutshuap tshetshi nanitam kuenitakan tshima nutepanikau atusseun
- Tshetshi atusseuatshanut katusseutshitapatakan, iat net ne e ishi takuaitshanut nete katshishkutamatshuapit. Ne mekaut e tshishkutamatshanut, nete Uinipek^u-kamakunueshiu-atusseun katshishkutamatshuapit, tshetshi katusseshit tanite nete ua utshitau tshi tshishkutamuanitau
- Tshetshi tutakan atusseun tshi ishi natuapamanit katusseshit ute Canada, kie nete uashkat e atanut
- Ekuen ne e ishinakuet e naushunakanitau innu-katusseshit, Essimeu katusseshit, mashinut, kie innu-assi tshetshi tapishkut tutuakanitau
- Tshetshi nitautshianit Innuat nete atusseun iat nete ka uauitshiushiun atusseun tanite nete ua ishpashit.
- Tshetshi shaputuepinanut tshi nishtuapatakan ne e tshi tshishkutamatshanut kie etatu natuapatakau nete atusseunu
- Tshetshi kukuetshimanitau katusseshit tan tshe tutakan tshetshi mitshiminakan tshetshi eka nikitak utatusseun.
- Tshetshi utinikaninit anitshenat shashish ka ut atussetau tshetshi tshitutatau utatusseunau kie tan tshipa tshi ishi nikaniteuat

- Tshetshi shukashinakutan mininiuan kie tshetshi shapenitakau katusseshit e atussetau, kie tshetshi akua atussetau kie umatinenitshikunuat.
- Tshetshi shaputuepinanut ne l'Appel à l'action en faveur de la lutte contre le racisme, de l'équité et de l'inclusion dans la fonction publique fédérale ka tutan atusseun 2021 mishta-tshitashun

Kukuetshitshemuna

- Ne uinipek^u-kamakunueshiu-atusseun uitam^u tshekuanu tshipatshi tutam^u tshetshi utateik utatusseun. Takun a kutak tshekuan tshipatshi tutanu?
- Tan tshipa tshi tutam ne Uinipek^u-kamakunueshiu-atusseun tshetshi minu-uauitak^u e nutepinat kupaniesha? Tan tshipatshi tutam^u Uinipek^u-kamakunueshiu-atusseun tshetshi mushtenikanit tshetshi natshi-atussanunit kie tshetshi shutshiteieshkak utatusseun kie nete aishkat?

Kunenitashun- Tshakuan ua apishteit tshetshi uauitshiushiat

Uinipek^u-kamakunueshiu-atusseun ishi nishtuapatanu ututa e mikuanit mak e uapanit. Anu piekumitash ashu nishinu itatan uta e papamipanicau nipit tshetshi uauitshishitau. E ishi-takunikau ishkuteu-uta

- Ka pikauat mishkumi
- Kapushtat
- Nanituapatsheun-uta
- Nakutuenitau-uta
- Nanatuapatsheu-uta
- Ka tshinishipan ush

Mitshetat ishkuteu-uta ishininakuen tshetshi mitshetui itapitnikau tshetshi mineshkash kumiat kie tshetshi minu atusseiat. Iat sheuekitsheu nikunenimanan kie ka kunitshet sheuekitsheushiss, tshi shukashinakutanan e kumiat.

Iat ne Ne Uinipek^u-kamakunueshiu-atusseun iat tutam^u:

- Nete e takunikau pukupeutshikan
- Nikaiun
- Tapapaikan-kussinán
- Uinipek-tipainutinan
- E ishi aimutunanut
- Nete e atussanut

Eshikami-pipunna, anu 17 000 nipukushteuanan tshakapeutana, kussinakan, nete e pimitshut nipi kie nete e ishi papamishkanut.

Ne ua utataimat minekash

Tshetshi minu shakassanitat ne Uinipek^u-kamakunueshiu utatusseun, tshika ui kunenitam^u, uta, utapan, pukupeutshikan, kassinu e itapashtat. Uanaua nenu e ishinakunin Uinipek^u-kamakunueshiu-atusseun ne atushkan tshika ui ishinakuen:

- Tshi ianit kie nakutuenitanikau atusseuakan, eitapishtaun, tshetshi kaniupinikau, kie tshi tshikanakutanikau kie minuat.
- Tshi ishinakutanikau etapishtaun tshetshi atusseuatshanut ne e ishi pishkutshipan tshishik^u tshetshi minu-atusseshtutshit auen.
- Tshi minu uitakan kie tshi tutakan atusseun neme ua tshinikan pipiteu tshishikuat kie tshi akua tutakan tshishik^u
- Tshetshi tshitapatakanikau nete tshe pimipanit uta nete ka mashinashtepan kie tshetshi tshitashunishtekau ute Canada, e kukutshimanit uitshi-atussemakan kie innuat.
- Tshetshi nakutuenitakan miam ne e uauitshiushinanut e pimishkanut, e nanitaupitshanut, e ushimiautinanutmkie mak e kutepetat apimi tshetshi nanitam minuakau atusseuakan

Meshkanu tshetshi utataikan

Uinipek^u-kamakunueshiu-atusseun shaputuepinu utatusseun, ka tshitshipan 2005. Nuash peikumitashimitinu (100) tshika aianu kie mak tshika tutanu uta, ek ne ka tshiashinakuniau thsika itshtetishikanu. Ekuet nete tshetshi u minutaiat nitatusseunan kie tshetshi ut aieshkushtan aienishkat.

Ne ussi-uta tshe tutakanikau

Neme ishkuaiet 2020 nuash 2030 ussi-pipun, ne Uinipek^u-kamakunueshiu-atusseun shash tshika ui ushtatshishinam tshiash uta. E tepishkushtan atusseun, ni atauanan kutuka kie nikutshipinitanan. Ne tshe mishkutunikanikau tshika kutak atusseun tshika ui tutanu, miam mate tukuta matenu tshetshi nita pimitatau uta. Muk, kutak ussi-atusseun kie ussi tshekuan tshika papinu, miam mate tshetshi minekash kie ussi-kutit ne ishkueteu ush. Miam mate, shkueiet 2030, nika ui ueueshtanan uta ek neme shkueit 2040, shash tshika ui mamitunenitanu tshetshi mishkutukanikau kau ishkueteu-uta. Ekuet nete tshetshi ut utataikan neme takak ne ua utataikan, miam e uitakan ne pipiteu tshishikuat ka pimipan kie tshi akua tutakan tshishik^u, kie ne Uinipek^u-kamakunueshiu-atusseun tshetshi tapishimitshishut. Kie ne atusseun tshika mashinateu ne ua utataikan nete iat innu-assi tshetshi kunenitekau.

Uinipek^u-kamakunueshiu-atusseun tshika uitshi-atussemeu tshishe-utshimau, nenu ka tutak uta tshetshi tshishtat nenu ua mishkutunak ishkueteu-uta. Nete atusseun, mitshet tshika takueikanu atusseun kie mitshet atusseun tshika tutakanu kie nika kutshipinitanan tshetshi eka ueshamipiniat Ne e nutepanitau kupaniesh kie ne e pushtashinanut iat nete tshipatshi nekatshipinu atusseun kie tshipa tshi ueshamipinanun, miam tshika ui kutanun kie tshika ui tutanu ne uta, tshetshi uemuet takuniakau ne ussi-uta kie miam tapishkut tshita ui tutakanau kie manitshenitakanu, tshetshi miam tapishkut atusseshtanikau.

Ekuen e tshitshipinanut e tutan atusseun tshetshi tshishpeuatan nipi kie shutishimikutant, Uinipek^u-kamakunueshiu-atusseun tshika ui shakutau e nanitshipitan:

- Tshika ui ashtanu shunia nete e tshe takut ne ishkueteu-uta
- Tshetshi itshtetishikanikau tshiash uta kie tshiash tshakapeutekan.
- Tshetshi utinikanikau kie itshtetishinikanikau eka ka minuat uta

Ne tshe nutepanikau kupanieshit, Uinipek^u-kamakunueshiu-atusseun tshika shaputuepanu e tshitspatak tan tshe ishi atusset. Miam mate, ne peik ush tshipa tshi mitshetuit itapatin, miam e nanatuapatshanut tshetshi nishtuapatan shipek^u, tshetshi akua tutakan uinipek^u kie nete ka ushimiaushinanut. Nete e takunikau Uinipek^u-kamakunueshiu-uta, sheueketsheu, sheuekatsheushisset ka kunitshet mitshetat atusseun tshi tutamuat, kie ni kaniupitenan.

Kunenitashun kie e minaut

Tshetshi tshinikanikau ne pipiteu tshishikuat ka taku kie tshetshi ninikamatanikau, Uinipek^u-kamakunueshiu-atusseun ueueshitshitapatam tatu tshe kunetak uta. Neme aienishkat uta tshika ui:

- Tshetshi minat utaua-tshishutshimau tshetshi shipissipanit utatusseun
- Tshika ui akua tutam nete e uitshinit namesha
- Tshika ui tshunam pipiteu nete tshishikuat
- Tshetshi mitshetui utshipanit katusseshinit
- Tshetshi uanitshisse papapinikau uta kie e minuanit tshi papamipanikau ute canada

Ni shaputuepanan tshetshi nashipiniteiat ne pipiteu tshishikuet ka papamipanit. Mitshetuit tshi tshitapatanu ne assik, ishkuteu-utiss kie ne apimi e tshi apashtakan, etatu e minupinikuet ne ishkuteu uta. Eshk eka naushunikan tan tshe ishi atussanut tshetshi nashapanitan ne pipiteu e nenetakan, ne Uinipek^u-kamakunueshiu-atusseun tshika ui minu-tshitapatam tshek atusseun tshe utinak. Ne pushtau – uta tshetshi iaiat apimimi kie mishkutunimat kie tshetshi kunenitamat atusseuakan tshetshi minipiniuet kie atusseuakan tshetshi ashu-punimat apimi ekuet anite tshetshi tipapaikan tshi minupanikue atusseun. Kie ne ua ushkuishtakan tshetshi nashipinitakan ne pipiteu e nenetakan, iat tshika minu tshitapatakanu pushtau-uta kie e apishashit uta tshetshi pukushtakanikau kie eka shuk^u e apititit apimi.

E tshishunishtanikau ne papamishkau-mashinaikan tshika minutanu pikassun uta kie ishkuteu-uta. Etatu tshika minu-papamishkanun kie ashtanite tshika mitshupanu nete taukam^u. Ekuen ne peik e apititit ne ua nashipinitaiat pipiteu e nenetakan kie ussi-atusseuakan e petanikau.

Ume mashten 2020 pipun, ne utauau –tshishe-utshiamua shash tshika tshi utinam^u aimunnu tan tshe tutakan ne ua nashinikan pipiteu e nenetakan, Tshe ishpish tutakan ne Uinipek^u-kamakunueshiu-atusseun, tshika uitshi-atusseumeu uitshi-atussemakekan tshika imuatimuet nenu pikassunu. Tukuta uinipek^u-kamakunueshiu-atusseun nika natauapatenan, nete shimakanishit kie nutim ute eshpitishkamitat assit tshetshi nishtuapatamat tan e sihi pimutanut nete upime.

Aiatshiun

Mitshetuit tshika tshi utitaikaninu ne Uinipek^u-kamakunueshiu-atusseun tshetshi natuapatakanikau atusseuakan. Takuan a kutak^u miam mate:

- Tshetshi kau tutakanikau uss-ishkuteu uta kie nete tshe takunikau kie utatusseuakan
- Tshetshi uitshiatussemanit shash ka uitshi atussemanit tshetshi tutakanikau uta nemenu ua ishi atusset uta tshe tutakanikau
- Tshetshi nishipinitakan tshe tshishtakanikau uta kie pukushtekanikau
- Tshetshi uitshi atussemanit Services publics et Approvisionnement Canada tshetshi nanikashunanut neme iakanikau uta nete innu-assit
- Tshetshi innuat minakanikanitau ushkat tshi iatau, kie Essimeut kie mashinut.
- Tshetshi uitshi-atussemakekan Pêches et Océans Canada ne mashinaikan tshi uitakan e ishi kunenitashunaut kie tshetshi shukatenitaku nete neme e mishta mishkutshipan tshishik^u.
- Tshetshi ishi mitunenitan neme tshe tshinikan pipiteut e tshitapatanikau ishkuteu uta kie nete tshe tutakanikau
- Tshetshi atusseshtan ne katusseutshitapatakan tshi pitukutashunanut kie tshetshi Uinipek^u-kamakunueshiu-atusseun tapishin
- Tshetshi tshissenitakutan tanite tshe ishi uitshi-atussemituanut-Miam mate les Forces armées canadiennes, la Gendarmerie royale du Canada et Sécurité publique Canada - kie ne Uinipek^u-kamakunueshiu-atusseun nete mamu e papaminikau uta.

Kuketshishemuna

- Takunnu a tshekuannu ne Uinipeku-kamakunueshiu-atusseun tshipatshi tutam^u tshetshi minupanikuet kie tshetshi pushipinitat katusseutshitapatakan e papamipinanut nete nipitat, kie nete taukam^u
- Uinipeku-kamakunueshiu-atusseun uitam^u tan tshe ishi atusseshtak^u nenu pipiteu tshishikuet ka papamipanit Ne Uinipeku-kamakunueshiu-atusseun takunnu a tshekuannu katukutshinu tshipatshi tutam^u tshetshi tshupininit pipiteu tshishikuet ka papamipinit.
- Uauitam^u kunenitashuna Uinipeku-kamakunueshiu-atusseun tshipatshi atusseuatsheu tshetshi utataik^u nenu ua utataik. Takuan a kutak^u atusseun tshipatshi tutanu?

Takuaitsheun aukuan- Tan tshe ishi pitshitinimat atusseun

Shash anu kutuasht –tatunnue pipun ishpish takut Uinipek^u-kamakunueshiu-atusseun. 1962, tshimitanipan, kie e peikussi atusseshetam nenu uta_ kie apu tapishin nete shimakanishiu-atusseun kie nenu ukupaniema nemiu shimakanishit Uinipek^u-kamakunueshiu-atusseun nete tapishinipan Transport Canada nuash 1995, pipun ekue atitan nete Pêches et Océans Canada. Neme 2005 pipun, ishi uitanipan miam ka mishta-uauitshiaushit, kie ekuen mishta-minakan shutshishiunu tshetshi tutak atusseunnu.

Nete ut tshishe-utshimat nitapishinan ute Canada kie ekuet ute ut takuaimakuiat. Kie anitshant kupanieshit tshishpeuatanut. Kie ne Uinipek^u-kamakunueshiu-atusseun, takautaku nenu Conseil du trésor takuaitsheun, ekuen ne e aiaitinak utatusseunu kie tshishe-utshimau nenu ukatusseshim.

NE Uinipek^u-kamakunueshiu-atusseun nikanipanu ne mashinaitshuetshupa kie shaputupanu ee nikanipan. Nete Pêches et Océans Canadane uinipek^u-kamakunueshiu-atusseun nasham nenu atusseun e ishi takuninit. Nuitshi-atussemanan anitshenat tshishe-utshimauat nete utauaut mak utshimau aimu nene mamuitun, nete ka atusseshtakau nenu kie anitshenat ka nanitussenitakau tshetshi nikanishtakan atusseun kei takuaitsheun. Nushkuishtenan tshetshi shukashinakutaiat nenu ua uitshi-atusseemat innue kie shutshenimun tshetshi nashamuaiat nenu tshishe-utshimau nenu ua minu-uitsjeutnu ua ashtanit. Uinipek^u-kamakunueshiu-atusseun nete kie nitapishinan eshpitishkamikat tshetshi nishtuapatakan ne uinipek^u-atusseun.

Ne ua utataimat minekash

Tshetshi minutaiat takuaitsheun –autsseun ua utitaikan neme katat e tshitapatan Uinipek^u-kamakunueshiu-atusseun tshetshi shukashinakuet utakuaitsheun:

- Tshetshi nakuteueinitanikau tshetshi nashanit takuaitsheun ne uinipek^u-kamakusheut-atusseun e takauket, kie tshetshi shutshiteieshkak autsseunnu. Tshe nashakan ne Innu-tipenitamun-tshishe-utshimauat takuaitsheun mashinaikan
- Tshetshi minu-takan kie minu-uitakan ne Uinipek^u-kamakunueshiu-atusseun nete tshishe utshimat kie kassinu tshekuan tshi uitakan
- Tshetshi shaputuepinanut nete ua minu-uitsheutunanut, miam ne mashinaikan *Principes régissant la relation du Gouvernement du Canada avec les peuples autochtones* nete ka ueueshtakan-tshishe-utshimat mak aiun innu-tshishe-utshimau mashinaikan utipenitamunua, iat ne tshetshi nishtuapatanit utshissenitamunua
- Tshika ui nakutueinitanut tshi shakassinitakan atusseun kie tshetshi minueniminanut kie e minushtkatshet ne atusseun.
- Tshetshi mamaushikanikau kassinu tshitashun kie tan tshe ishi pimutanut, uss ma ne a apitit aimun:
 - E mishkutshipan tshishik^u
 - E minu-uitsheutunanut
 - Katusseutshitapatakan atusseun
 - E utinikan imu

Tshe ishi pimutanut

Nenu uet apitinit kie e ishinakunit ne Uinipek^u-kamakunueshiu-atusseun, tshetshi nakutuenitak kie tepishkushtat nete nipit mak assit utatusseun- nenu uta, uta-atusseun, utetapishtaun ukatisseshim-mak

ishinakunu a nenu tshetshi sih atusset. Neme tshe ishpish atusset natim tshika ui nashanu. Aiashku e mishkutshipanikau ne takuietshuen Uinipek^u-kamakunueshiu-atusseun tshika pitshitinam upukutau. Kie tshika shaputuepanu e pitshitinak utatusseun nenu takut tshetshi nikanishtat Tshetshi tshissenitak tan tshe ishi tshitutet.

Ne Canada nasham^u nenu Organisation maritime internationale et l'Association internationale de signalisation maritime mashinaitshetshuapinu. Uinipek^u-kamakunueshiu-atusseun teu ne nishtutatun e mashinatautshishunanunit kie uitshi-atussemeuat mitshet auenu, miam mate:

- Tshishe-utshimauat mashinaikan innu-utipenitamunau
- Ne uinipek^u-tipenitamun mashinaikan
- Ne mashinaikan tshe ishi pimutanut, tshe ishi mashikan ne e uinakamiat mak eka akua etutakan assi
- Mitshet kusseu-mashinakan

Neme aianishkat ne Uinipek^u-kamakunueshiu-atusseun tshika shaputuepanu tshetshi nashuat kie mashinatautshishut.

Aiatshiun

Mitshetuit shash tshetshi ishi atussetun tshetshi utitaikan ne takuaiatsheuna. Takuan a kutak^u miam mate:

- Tshetshi uitshi-atussemat nenu utau-kupaniesha tshetshi nashakanikau takeuitsheun kie tshetshi tshitapatakanikau tshima umenu anutshish mashinatet
- Tshetshi natuatak tshetshi miam itashtekuen takuetsheu mashinaikan
- Tshi nashakanaikau ne innuat ka iminianit kie tshetshi nashakanikau
- Innuat, Essimeuat kie mashinuat uitshi-atussemitun tshika mitshiminikanukie tshika mamuitunnanun e uauitshiaushinanut
- Tshetshi minakan aimunnu ne utaua-tshishe-utshimau ke kakusseshit ne inipek^u-kamakunueshiu-atusseun e uauitakan e mashinaikanishtet
- Tshetshi pushipinianit kakusseshit kie akanishauat e tutakan atusseun tshetshi imitutau, kie nete katusseutshitapatakan e apashtakan
- Tshetshi mashinaikashtanikau e ishi uitakan tshekuan tshetshi tshissenitakau anitshenat kutukat tshishe-utshimauat pitshetau tshetshi eka animiutau utinikan aimun e ishi nakuninit inipek^u-kamakunueshiu-atusseun
- Tshetshi mishkakan ne innu utaimun tshetshi shitshinishtanit nete utatusseun kie ne kutuk atusseu tshe tutanikau
- Tshetshi minu tshitapatakan tan e ishi nakunit utatusseun ki tshetshi minu –nakutuenitanit tshetshi katshitetshemikuen
- Tshetshi mamu tutakan atushman ashit uitshi-atussemanit tshetshi minu nishtuapatakan uinipek^u-pikassun
- Tshetshi minu-mashinateikanikau tshitashuan ne Uinipek^u-kamakunueshiu-atusseun tshetshi minu-utinak aimunu
- Tshetshi ashtakan nete shunia tshetshi tutanit tshe nikanitet, tshe tutakanikau takuaitshu-mashinaikan tshethi minutat Uinipek^u-kamakunueshiu-atusseun

Kukuetshishemuna

- Tshinishtuapamauat a kutukat auenitshen tshipatshi uauitshiet nete uinipek^u-kamakuneshiu atusseuna?
- Tan en uinipek^u-kamakuneshiu-atusseun tshipatshi tepuateu auneu tshetshi uitshi-atusseunimikuat?
- Takuaitseun uitam^u tan tshe ishi pitshitinimat atusseun, tshekuanu tshe tutak ne uinipek^u-atusseun tshetshi utitaik nenu ua utateik. Takun a kutak tshekuan tshipatshi tutanu?

Kutak kukuetshitshemuna

Kukuetshitshemuna

- Ume mashinaikan, tshitenitenau a tshetshi kassinu nenu ka ishi kukutshimitshishinanut tshi apitshitat, neme uinipek^u-kamakuneshiu-atusseun mak utatusseun tshi katshititshmukinit?
- Takunu a kutakatshinu tshekuanu ne uinipek^u-kamakuneshiu-atusseun tshetshi mamitunenitak tshetshi eka tshekuan tshipishkakuets?

Kutak kukuetshitshemuna innuat e takauktau

- NE uinipek^u-kamakuneshiu-atusseun minu –uatuitam a nenu ua ushkuishtak minupanutunu?
- Tan nipa ishi-uitshi-atussemanan ashit Essimeuat, Innuat, Mashinuat kie nete tshiuetin, ne tshe ishi atussanut,nete ninan nitatusseunat kie ni uauitshiaushunat?